

ILLVSTRIS ET MAGNIFICI  
AD SERENISSIMVM

SIGISMVNDVM II. POLONIE ET SVECIAE

PROFELICI EX SVETIA REDITVR

PETRI LILIAE S. THEOLOGIAE

Doctois, Prapofiti Svedenfis, Canonici  
Pofnamienfis.

Habita Sroda, Mense Septemb. 1594. in Ec-

clefia Collegiata Beatiffima Virginis

Dei Genitricis.



POSNANIAE.

In Officina Typographica Viduae & Haredum  
IOANNIS WOLRABI.

M. D. XCVII.

# ILLVSTRO ET MAGNIFICO

DOMINO D. HIERONYMO GOSTOMIT

PALATINO POSNANIENSIS

**E**A demum vera & perfecta est benevolentia: cui Sacerdotalis benedictio, quam Deus summæ felicitatis instrumentum esse voluit, ceu quoddam fundamentum, subternitur. Itaq; tuus ille, Illustris & Magnifice Domine, splendidus apparatus, quo tu Srodæ Sereniss. Sigismundum III. Regem Poloniæ, vnâ cum Serenissima Regina, coniugesq; & Illustrissimo & Reuerendissimo Germanico Marchione, Sedis Apostolicæ Munto, liberalissime excepisti, celebrem illam & sacrarum literarum monumentis nobilitatam Regis Assueri pompam, longe multumq; superauit. Nam, vt mittam alia, illud Regis Assueri conuiuium, Dei & Sacerdotum gratulatione caruit; tuum cum Iesu Christi Sacerdotum; & Sanctorum eius Fayone & applausu conuietum fuit. Tu enim ipse, vt Sereniss. Regem, vnâ cum Canonis Scedentibus fratribus meis, in Ecclesia Beatissimæ Virginis Mariæ, exciperem, me es adhortatus. Excepi igitur hac, quam vides, oratione. Cur enim id factum esse non dicemus, quod cur factum non sit, non nostra; sed aliorum accidit voluntate? Vale, Illustris & Magnifico Domine, & Patrone ceterendissime.

Posnanix, in festo Cathedra S. Petri

Antiochia, anno Domini

In Officina Typographica Vrbana & Harleiana

IOHANNIS WOLRABI

M. D. XCIII

Ad Sctenſ. Sigismundum III.

Poloniae & Suecia Regem.

Profecto ex Suecia reditus

Petri Lilia S. Theol. Doctō. Prap. Sreden.

Canonici Poſnapienſis.

Univerſum Regnum Polonia, Sigis-

munde Rex Seren<sup>ie</sup>, ob tuum felicem

& ardentibus omnium bonorum vo-

ris optatum ex Suecia reditum, maxima affi-

citur voluptate, letitiaq; exultat incredibili.

Magnum proſectō hoc eſt argumentum ſin-

gularis cuiusdam felicitatis tuae, divinaq; gra-

tia. Neq; enim tot tantorumq; hominum, in

maximam læticiam & gratulationem conſpi-

ratio, ſine Dei numine extare potuit. At certē

illud multō maius eſt, longeq; ad tuam digni-

tatem & amplitudinem auguſtius, quod non

tantū Senatus P. Q. P. ſed etiam Antitiſtium

Præſulumq; ordo ampliſſimus, corona Sacer-

dotum, cœtus religioſorum, non ſolū in pro-

phanis; ſed etiam in ſacris locis, non modo in

foro;

foro; sed etiam in templo, non in frequentia  
tantum conuentuq; hominum, sed etiam in  
Dei Opt. Max. Sanctissimæ Mariæ Virginis  
genitricis Dei, sanctorumq; omnium conspe-  
ctu ædemq; ad illud nouæ legis venerandum  
tremendumq; altare, diuinis & admirandis ar-  
canis mysterijsq; plenum, maximisq; pignori-  
bus cœlestiu donoru, ex IESV CHRISTI  
DEI & Seruatoris nostri meritis vndequaq;  
circumfluens, atq; redundans, tibi, Serenissimæ  
Rex & optime, de tuo, felicissimo aduentu  
gratulatur. nosq; hæc exigua Sacerdotum, hu-  
nus Scedentis Eccl. cohors, vna cum illis gratus  
sumus, teq; ceu numen quoddam diuinum, ad  
templum hoc Beatissimæ Virginis Mariæ ve-  
nisse, maxima & cœlesti quadam incensi vo-  
luptate, gaudemus & vehementer lætatur,  
atq; vultu, gestu, voce, cantu, & habitu hoc,  
cultuq; sacris rebus destinato, diuini honoris  
potestatisq; partem, ex clementiæ Dei fonti-  
bus, ad te deuotari docemus & demonstramus.  
Demonstramus autem, nemine repugnan-  
te assentien-

affluentibus omnibus. Inprimis, autem af-  
ficiente, hancq; nostram de tua S. Maiestate  
Regia sententia approbante Ill.<sup>mo</sup> & Reuer.<sup>mo</sup>  
Germanico Marchione, Episcopo S. Sacer-  
dotum Beatus Pater Clemens VIII. ad sedan-  
das huius turbulentissimi temporis tempesta-  
tes, motusq; componendos, non humano; sed  
diuino consilio, ad te Regnumq; hoc tuu, Num-  
erum Apostolicum misit: & quem tu Sanctis-  
simorum Regum & Imperatorum exemplum  
imitatus, in rebus fidei Pastorem; in diuinis  
consilijs & arcanis Prophetam; in moderando  
vita cursu Doctorem; in precibus, pro te ad  
Deum fundendis, Moysen; in superandis peri-  
culis Angelum; tibi a Deo missum, datumq;  
esse pro insigni tua pietate & sapientia certo  
apud te persuasum constitutumq; habes.  
Fuit igitur antiq; viri, idem est, Serenissime  
Rex, de tua diuina felicitate & Maiestate  
sensus: qui est sapientum & proborum om-  
nium: & quem nos, pectoribus nostris in-  
clusum, hac nostra gratulatione exprimere;



atque vultu hilarī, læto animo, & clarissima  
voce, in lucem aspectumque omnium pro-  
ferre nitimur & contendimus. In quo ma-  
gnum discrimen cernitur, inter Sacerdotes  
IESV CHRISTI, & eacoenagelij ministros,  
Illa enim Spiritu Veriginis acti & Core,  
Dathan & Abiron, homines sceleratos & im-  
pios secuti, vt S. Apostoli Iudæ verbis vtar,  
dominationem spernunt, Maiestatem bla-  
spheuant; ac proinde te Rex Serenissime, vt  
alios Reges & Principes, in vulgarem nume-  
rum redigunt: nihil in te agnoscētes diuinum,  
nihil excellens, nihil singulare. At contra  
Pontificum Sacerdotumque ordo amplissimus:  
nosque cum illis, licet humiles; serui tamen Dei  
& Sacerdotes IESV CHRISTI, Prophetarū  
& Apostolorum doctrina præceptisque institu-  
ti: & Melchisedechi Regis Salem & Sacer-  
dotis, ipsius D. Pauli Apostoli sententia, san-  
ctissimi, in tribuendo tibi, Serenissime Rex,  
honore, pro nostra tenuitate, vestigia persequi  
nitimur: tibi que præter gratiam omnibus seruis  
& electis

& electis Dei communem, singulare quod-  
dam, ex regio munere diuinitatis decus, adiun-  
ctum esse profiteamur: a quo propulsatis hosti-  
bus, extinctis civilibus odijs, oppressis dome-  
sticorum iniurijs, reiectis periculis & impedi-  
mentis, non in Reptib. solum Politia, sed etiam  
in Ecclesia Iesu Christi, optata pacis & tran-  
quillitatis bona, ceu quoddam vberissimo fote,  
emanant. Magnum decus, magna dignitas,  
magna maiestas. Non capiunt hanc angustia  
pectoris: non egestas animi, maiestatem tan-  
tam, tam amplam, tam sacram, tam diuinam.  
Vt enim vas exiguum implem. maris fluctus  
in se non continebit; ita hac Regia Maiestas,  
ab exigui pectoris, & summi virtutibus orba-  
ta angustijs, coerceri & comprehendi nullo  
pacto potest. Nec coeli Sardanapali molli bra-  
chio, sed Athlatis firmissimis humeris sustine-  
ri potuit. No potuit & Saul primus Rex Isra-  
elis tanta dignitatis pondus sustinere: non po-  
tuit & Roboam sapientis patris, filius insipien-  
tissimus. Hic enim ob temeritate & crudelitate

animum in suos, à media parte regni protinus  
excidit: ille ob elatam mentē & impietatem  
toto regno exutus: vitaq; ipsa turpissimè est  
priuatus. At potuit sustinere tantam maiesta-  
tem Regia dignitatis, David humillimus, Rex  
& Propheta celeberrimus, maximum Regni  
Israelitici decus: potuit & Salomon sapien-  
tissimus, cuius regnum singularis sapientia &  
pietas, omnium regum imperio terminauit:  
potuit Gedeon fortissimus: qui diuina virtu-  
te frenis, tantumq; trecentis viris stipatus, sin-  
gentem exercitum Madianitarum & Amale-  
chitarum fudit, profligauit, interemit: potuit  
ad extremum, vt alios multos præteream, Jo-  
sue Dux piissimus: qui cum, quinq; Reges A-  
morhæorum eorumque præsidia plurima &  
maxima magna interneccione deleret, Solem  
occumbentem nutu & imperio suo cohibuit:  
& contra rationem naturam volubilem &  
mobile, vnius diei spacio immobilem effecit.  
Quo admirando stupendoq; Dei auxilio do-  
cuit Josue Reges, hanc incredibilem virtutem

mirum

& diui-



& diuinitatem quandam, & pietate Christiana & humilitate e Dei sedibus seuocari, & in Regia dignitate collocari, & eadem pietate & humilitate Christiana conseruari, & nouis accessionibus augeri & amplificari. Ergo cum Reges Christiani ob illam sacram vnctionem non minori Dei gratia augeantur, quam ea fuit, quæ in Ducibus & Regibus populi Israëlitiçi eluxit: quòd his perturbatis temporibus non fortiter hostibus resistent: quòd non ea felicitate, qua Dauid contra Goliath, Gedeon contra Madianitas, Iosue contra Amorrhæos pugnavit, cum Scytis & Turcis dimicent: quòd deniq; non eas Angelorum copias, quas Eliseus Propheta, Regi Israelis cum potentissimo hoste pugnantem monstrauit, sibi in auxilium cœlicus esse missas conspiciant: non Regiæ dignitari est tribuendum: quæ semper eadem est, semper sibi cohæret, semper ampla, excellens & diuina in se existit; sed in oscitante & remissum (vt leuissime dicam) in tuendo officio Pastorum animum; in Cleri negligentias

gentias in blasphemias hæreticorum; in sce-  
lera principum, nobilitatis superbiam; militum  
rapinas, civium luxum, iudicum iniquitatem,  
oppressionem pupillorum, depopulationem  
templorum, expilationem Sacerdotiorum est  
referendum. Ex quo, Serenissime Rex, maior  
nobis & tibi gratulandi & nobis gaudendi  
exoritur ratio: cum te in istam sublimem di-  
gnitatem euectum, & ad gubernacula regni  
huius, nobilissimi collocarum, illud sapientis  
identidem memoria repetere cogitamus:  
**QVO ALTIOR ES, EO TE MAGIS HUMILIA:**  
cum te a Saulis superbia & a Roboë crudelita-  
te vehementer abhorreere cernimus: cum te in  
Dei amplificandam gloriam, & eius sponsæ  
Ecclesiæ restaurandas ruinas diuina charitate  
& Zelo exardescere conspiciamus: cum in tua  
**S. M. Regia** non magis externum nitorem  
& pompam; quæ vulgariū hominum ocu-  
los perstringit, quam illum diuinum splendo-  
rem, integræ illibatæq; fidei, profunda humili-  
tatis, magni excelliq; animi, iustitiæ, pietatis  
cæterarumq; virtutum, quæ Deum ipsum in  
sui con-

huius conuertunt admirationem, in te Ser<sup>mo</sup> Rex,  
& in tua Ser<sup>mo</sup> Regina, Austriae gemma & Ia-  
gellonica stirpis nostroq; omnium maximo  
solatio, elucere nituemur. Atq; his quidem  
virtutibus cum illa coelestia & admiranda  
praesidia parari soleant, ad regna defendenda  
& illustranda, iure profecto optimo, te in hoc  
felicissimo ex Suecia reditu salutamus. Regem  
inclitū, patriae decus, insigne nobilitatis, coro-  
nam gentis Sueticae, ornamentum stirpis Ia-  
gellonicae, splendorem dignitatis atq; amplitu-  
dinis: deniq; magno consilio iudicioq; in hac  
perturbatione rerum ex Turcia & Tartarorum  
indomitae gentis & immanissimae impenden-  
te crudelitate & rabie, te decernimus Regni  
huius, & Ecclesiae sponsae IESV CHRISTI  
propugnaculum, gloriae Dei praesidium, mili-  
tiae robur, hostium terrorem, ciuium solatium  
& operatae pacis & tranquillitatis formamen-  
tum. Atq; haec est nostrae gratulationis summa.

Et quoniam in maxima laetitia, Sanctus Rex  
& Propheta David, Sponsam Christi Ecclesia

silentio præterire insigne scelus esse statuit  
gravi eluendum poena; SI; inquit, NON  
PROPOSVERO HIERUSALEM IN  
PRINCIPIO LÆTITIÆ, ADHÆREAT  
LINGVA MEA FAVCIBVS MEIS: SI  
NON MEMINERO TVI: SI OBLITVS  
FVERO TVI HIERUSALEM, OBLIVI  
ONI DETVR DEXTERA MEA, cam ob  
rem non in postrema lætitiæ gratulationisq;  
parte, huius nostræ Ecclesiæ servorumq; eius,  
Christi Sacerdotum, memoria ponenda est.  
In quo tua ista Ser<sup>m</sup>e Rex, insignis in Deum  
pietas minuit orationem meam. Neq; enim re  
nunc in studium amplificandę Dei laudis mea  
cohortatione incitabo. Satis enim mihi per  
suadeo, te, Ser<sup>m</sup>e Rex, illo diuino igne, qui tu  
um nobile pectus ardentissimo Iesu Christi  
amore adurit atq; inflamat, ad omnem Dei  
perficiendam voluntatem vehementer com  
moueri. Sed cum ad alias Ecclesias, in pristi  
num splendorem & libertatem vindicandas,  
animum conuertis, nostram etiam Ecclesiam,  
nosq; eius Sacerdotes, Iesu Christi minimos  
seruos,

seruos, tua quoq; ista diuina clementia com-  
plecti velis. Quod vt facias à te humillimè &  
maximopere postulamus. Nos verò Ser<sup>me</sup>  
Rex, pro tua, & Ser<sup>ma</sup> Regina coniugis tuæ  
incolumitate, preces ad Deum fundere non  
intermitteremus: ac pro ea singulari & diuina  
tibi obtinenda gratia, qua in amplificanda IE-  
SV CHRISTI laude & in regno hoc tuendo  
conseruandoq; præstantissimorum & sanctis-  
simorum Regum gloriam exæquare pos-  
sis, assiduè ad Deum Opt. Max.

vota faciemus. Dixi.

\* † \*

\*

*LAVS DEO ET B<sup>ma</sup> VIRGINI*

*MARIAE.*



PSAL. XLIII.  
IN TE INIMICOS NOSTROS  
VENTILABIMUS CORNU, ET IN  
NOMINE TVO SPERNEMUS IN-  
SURGENTES IN NOBIS.

NON ENIM IN ARCV MEO  
SPERABO, ET GLADIUS MEVS  
NON SALVABIT ME.